

Angerlarsimaffiit saaluaasaqarpa?



Angerlarsimafinni saaluallaqalersimaneranik pasitsaassaqarpit?

Ataani saaluallaat pillugit paasissutissat qanorlu nungutinniarneqarsinnaanersut atuaruk:

Saaluallaat tuniluuttuummata, pingaaruteqarpoq sukkanerpaamik nungutinniarnissaat. Saaluallaat aammik milluaasartuupput. Inuit aattorfigerusunnerpaajusarpai kisianni aamma uumasooqatitik aattorfigisinnaalluarpaat. Saaluallak kajortoq qaamasumiit aappaluttoq taartumut qalipaateqartarput. Arfinilinnik nioqarput 5-7 mm-isullu angitigilertarlutik.

Mannii tukeraangamik piaraat inersimasutorpiaq isikkoqartarput, mikineruinnarlutik – aallaqqaammut 1 mm-riinnarmik takitigisaramik takuneqarpiarsinnaanngiusattarput. Aamma taakku aallaqqaammulli aammik uumassuteqartarput alliartornermi alloriarnerit tallimaasut aqqusaarnerini. Qaammatip ataatsip marlul- lunniit ingerlanerini inerivittarput, kialaartumiissimagunik alliartornerminnilu alloriarnerit tallimaasut aqqusaarnerini naammattumik aammik milluagassaqaarsimagunik.

Saaluallaat ineriartorluarnissaannut kiak pingaarnersaavoq.

- 13° ataallugulu nillertigisumiikkunik ineriartorsinnaassanngillat.
- 13°-miit ingammik 30°-tut kissalaartigisumiissimagunik, sukkasuumik ineriartortarput.
- Kisianni 30° qaangeraangagu ineriartornerat unikaallaqqittarpoq.
- 45°-tut kiatsigisumiikkunik erngiinnaq toqussapput.

Saaluallaat inersimasut aammik milluaanngikkaluarlutik siviisoorsuarmik uumasinnaasarput.

- 13° kiassusilimmiillutik ukioq ilivitsoq angullugu.
- Inimi nalinginnaasumik kiatsigisumiillutik qaammatit marluk angullugit uumasinnaasarput.

Saaluallaat toqqorsimaffiata kiassusaa pineqarpoq. Imaappoq inissiami kiallunilu panertumilu inip ilaaniittoqarsinnaalluarpog nillerlunilu isugutasumik.

Saaluallaat makkunaaniikkajuttuupput:

- Siniffinni madrassinilu - taakkulu qanittuini.
- Skaaviit assilissallu tunuini.
- Panelit, listit tunuini imaluunniit aalitsat aseqquini.
- Ruujorit kabelillu aqqutaanni.
- Toqqortarfiini ilanneeriarlutik anarfigisimasaannik nassaartarsinnaavutit, amiinik manniisalu sinnerinik, naak qimareersimagaluaaraat. Nalinginnaangajassinnaavorluunniit oqorutit aattaqalaalersimasut kiitissimasimaguit.

Saaluallaqarneranik suut ersiutaappat?

Sininnerni saaluallaat siniffimmut qaqisarput timivillu nuisanertai saassullugit, soorlu assaat talitit, qungatsit isikkatillu. Inuit 10 %-iisa malugisaqarfigineq-ajorpaat 90 %-iili ungillertoorujussuarlutillu, aappillertoortarput kiitiffimmillu nalaasigut tinusoortarlutik.

Saaluallaat qanoq nungusarneqassappat?

Innersuutigaarput ilisimannittumit suliaritinneqassasoq.

Piaartumik sukumiisumillu iliuuseqartoqarnissaa pingaaruteqarpoq. Saaluallaqalersimanermi atisat tamaasa sapinngisamik kissarnerpaamik – minnerpaamik 60 gradimut errorneqassapput. Aamma saaluallaat toqorartinniarlugit atisat siviluumik silamiisinneqarsinnaapput imal. qeritinneqarlutik. Saaluallaat ullualunni -20°C-miitinneqarsimatillutik toqusarput, nillerpianngippalli imal. saaluallaqalersimasut tattoqippallaarlutilluunniit angippata toquniarnerat ullunik 3-4-nik sivilussuseqarsinnaavoq. Taamaaliorniaraanni eqqaamasassaavoq silamiitsinniakkap qeritinniakkalluunniit sunartaa tamaat nillertittariaqarmat.

Pingaarutilik unaavoq, nillernerata tamanut anngussinnaanissaa. Taamaasioqattaartoqassaaq qaammatit tamaasa marluk-pingasoriarluniluunniit, saaluallaat pinngitsoortinniarlugu. Saaluallaat akiuiniutinut akiuussinnaasuummata, pitsaanerussaaq akiuussutissat assigiinngitsut akiuiniarnermi nikerartinnissaat.

Saaluallaqarfiit akornaniittullu sulliniiaalluni atugassianik seqqalittarneqarlutilluunniit nakkalataartitsivigineqassapput.

Saaluallaat nungutinnialinnginneranni ima iliussaatit

Saaluallannik nungutsiniaasussat suliaminnik aallartinnginnerini torersaalluarlutillu støvsugissaatit. Støvsugeri atorluassavat, eqqaamalluguli støvsugerip puussiartaata plastikkimut ikinissaa qilerluariarlugulu iginnissaa.

Eqqugaasimaneq annertuppat pisariaqalersinnaavoq qerititsiviup atortariaqalernissaa imaluunniit madrassinik pequtinilluunniit allanik kissassaasiisariaqalernissaaq. Igitaqassagaannilu pingaaruteqarpoq poortorluaqqaarlugit anninneqarnissaat, saaluallaat siaruaassinnaanerat pinaveersaartinniarlugu.